

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Vincentii Chartarii imagines deorum ... qui ab antiquis conlebantur

Cartari, Vincenzo

Moguntiae, 1687

Domino Christophoro Rudolpho Baroni á Stadion

[urn:nbn:de:bsz:31-341151](https://nbn-resolving.org/urn:nbn:de:bsz:31-341151)



Reverendissimo & Perillustri Domino,

DOMINO

CHRISTOPHORO
RUDOLPHO BARONI
à STADION

ECCLESiarUM METROPOLITANÆ
Moguntia, Imperialis S. Bartholomæi Francofurti
& Equestris S. Albani propè Moguntiam respectivè Decano
& Præposito, nec non Collegiatæ Ecclesiæ B. M. V. ad gradus Moguntia
Capitulari Canonico, Eminentissimi Archiepiscopi & Electoris
Moguntini Consiliario intimo,

Domino Patrono meo perquam Gratiſo &c.



Verus veri Numinis cultus, omnem Religionis aut civitatis beatitudinem absolvit, omnisque, quâ patet, fœlicitatis basis ac cardo salutatur; non domi, non foris quicquam geritur prosperè, ubi
):(2 negli.

DEDICATIO.

negligitur Deus ejusque cultus: Pietate collapsâ
 ruunt omnia; excussio ex animis hominum Dei me-
 tu, immanitate & scelere compleantur omnia ac
 pessimum eant necesse est. Nec enim pœnæ utut capita-
 les & atroces fatis sint, tantum metus, quantum ipsâ
 Religio subditis incutere possunt: non utut è longin-
 quo nimis rem arcessam: ipsa Germania, Patria dul-
 cissima, ejus quod dixi, testimonium perhibet lucu-
 lentissimum. Quotusquisque enim est quem vetus,
 eaque miserrima Patriæ nostræ, dum adhuc veritatis
 divinæ exul, facies lateat? Mare horridum, informes
 Terræ, cœlum asperius, tristis cultu, affectuque ubi-
 libet imago, terram imitabantur incolæ, Deucalio-
 nei, saxiq; ipsis intractabiliore Homunciones, na-
 turâ agrestes, mole quadrati, animo rudes, ad arma
 non ad artes politosve mores apti: & ut paucis di-
 cam, cœlum solumque suum ubique referentes. Sed
 quantum nunc mutati ab illis? ab eo enim statim
 tempore, ex quo Christiani facti sunt, novam profus
 faciem, novam fœcunditatem, novam gratiam Pa-
 tris accessisse terris earumq; incolis novimus, tanta
 nimirum ornamenta secum traxit Religionis sancti-
 tas, ut hodie gens nostra, cæteras ferè omnes, sive ur-
 bium magnitudine, sive militari laude, sive denique
 ingeniorum atque literarum cultura, imprimis
 verò pietate verique Dei cultu, si non superet, exæ-
 quet certè ac paria iis faciat, ut quod olim de Roma-
 nis

DEDICATIO.

nis Romanus Vates, de nobis potius Germanis hodie pronuntiandum:

*Venimus ad summum Fortune: pingimus atque
Psallimus, & lætamur Achivis doctius unctis.*

Quare dum demum & ingens pulchritudo & summa divinæ lucis adparet utilitas, cum intempestivæ noctis tenebras contra ponimus, ita quoque divinæ Religionis, quâ hodie corruscat Germania, magis elucescit splendor & felicitas; si priscas ejus idololatriæ adhuc submersæ tenebras plusquam Cimerias paulò penitus intuebimur, in celeberrimi Vincentii Chartarii curiosissimis laboribus, intuebimur inquam & ab alterâ parte numerosissima divinæ nostræ Religionis Numina, quorum Reverendissimus Perillustris ac perquam Gratosus Dominus meus compendium exhibet absolutissimū. Hinc est quod hos fructus laborū, non fructus laborū, in devoti animi Symbolū, æternæq; observantiæ, ac devotissimæ submissionis hostimentū ad pedes Vestros devolvo, Gratosis Vestris oculis non tam lustrandos quam illustrandos, sub splendidissimis Nominis Vestri auspiciis publicum habentes aspectum, ad Reverendissimæ Perillustris ac perquam Gratosæ Dominationis Vestræ fores pulsare, minimè ausus fuisset calamus meus, nisi & Diis lacte supplicare & mola salsa litare, liceret iis, qui thura non habent: Unde non tam animatus quam penè coactus in gratiarum Vestrarum sacro

crario

DEO

DEDICATIO:

crario sublimibus Nobilitatis, Pietatis, Sapien-
 tiæque Vestræ Tholis affigo munusculum hoc levi-
 dente, ut redderem non quæ debeo, sed quæ possum
 officia: Hæque Literæ cum sub Vestri Perillustris
 Nominis Patrocinio apparere voluerint universo
 Orbiliterato; Sanctè contestor nullam ex iis, ne mi-
 nimam quidem, esse, quæ in gratiosis Gloriæ Vestræ
 radiis non gloriatur, devotè exclamando: Ecclesiæ
 ac Patriæ bono æternum vive Reverendissime Per-
 illustris ac perquam Gratiöse Domine; in æternum
 vive, vel si hoc mortalis non potes, saltem quatenus
 ferunt cum merita tua, tum vota nostra: at hoc
 ipsum æternum esset; Vive ergo quod Homini licet,
 præstitutumque à Natura humanæ vitæ spatium, to-
 tum ad unguem exhauri, tumque temporariæ foeli-
 citatem, æternæ beatitudine permuta. Quod vovet

*Reverendissima, Perillustris ac perquam Gratiöse
 Dominationis Vestra*

Dedicatissimus Servus

Ludovicus Bourgeat, Bibliopola
 & Civis Moguntinensis.

DEO.